

Conversio Magni Avgvstini, Postea Hypponensis Antistitis Maximi

Werner, Ignaz

Lincii, M DC XCII.

§. II. Respondet Genius Augustini Cogitationi de instabilitate, &
incertitudine bonorum mundi hujus.

[urn:nbn:de:hbz:466:1-70025](#)

Utraque Dædaleos suspendit ab arte labores,
 Telis illa suis, motibus ista suis.
 Illa catenatum centenō stamine textum
 Ponit Arachnæis ingeniosa dolis.
 Ista trahit variō sinuatam margine vitam,
 Nec sinit immoto sistere vota loco.
 Ultraque longævis discursibus æthera fallit.
 Spes tamen effectu fallit utramque suo.
 Illa laborando vitalia viscera rumpit,
 Ista labat tragicæ funeris iæta manu.
 Hanc labor, hæc diro dolor arduus impedit æstu;
 Nec sinit innubi currere sole dies.
 Heu! quoties tristem sibi texit aranea restim,
 Et misera in proprio trita labore perit?
 Vtraque sublimes meditatur in æthera gressus
 Filis illa suis, fraudibus ista suis.
 Illius implacidus disrumpit gaudia ventus,
 Hanc rapit immiti mors metuenda manu.
 Quàm brevis hora rapittelam pedētis Arachnes,
 Tam brevis hora tibi funera necit, homo.
 Tam fragili pendent tua gaudia stamine fixa,
 Vix bene nata cadunt, vix benè visa volant.
 Crede, quia in tenuē mūdus cōponitur urnam;
 Quidquid habet cunas, certa sepulchra feret.

§. II.

Respondet Genius Augustini Cogitatio-
 ni de instabilitate, & incertitudine bono-
 rum mundi hujus. SEN-

SENTENTIA.

*Vanitas vanitatum, & omnia vanitas; hunc versum
lum si saperent mortales, in parietibus omnibus, &
in vestibus suis scriberent, in foro, in domo, in iu-
nus, in ingressibus, & ante omnia in conscientia
suis, ut semper eum oculis cernerent, & corde se-
zirent. Homii. 30. in Matth.*

Augustine vides? celeri volat impete vita,
Avolat, ut Partho missa sagitta volat;
Augustine vides, brevis ætas sternit honores;
Æternusque parit se velut hydra dolor.
Augustine vides, quod te vidisse juvabit?
Aurea fatalis gaudia Parca secat.
Immotas nulli licuit placasse sorores,
Bina licet parcat tertia fila secat.
Sis, liceat, Pyliæ donatus lege Senectæ,
Aut Cumæa tuos sospitet urna dies,
Dura tamen Pyliam mors sternet falce Senectæ.
Cumæosque dies fleb ilis hora premet.
Nil immune manet: rapimur feriente sagittâ,
Setiùs, aut citius mors sua quemque manet.
Heu mihi! quam fragili mea spes versatur in urna.
Quam facile incautas obruit urna rates?
Heu mihi! quam vanis fortunæ pascimur ubris.
Quam citò præcipitat funebris umbra diem

He

Heu mihi! crudeles mēdax parit unda procellas !
 Quām benē Ulyssēæ proderit artis opus !
 Aura fugax, brevis ūbra, dolosa procella voluptas !
 Quantus in ambrosio proditor ore latet !
 Non benē te credis fugientis lusibus ævi ;
 Lusus hic illudit, vulnerat ille favor.
 Illa dies aderit, quā totis ignibus æther
 Omnia fatali pulvere busta teget.
 Sceptraque Romulidum stratas cū civibus urbes
 Non extinguedo subruet ira rogo.
 Omnia pulvis erunt; cineri nec sylva superstes,
 Æmula syderibus brachia ponet humi.
 Flama rapax Lybico pretiosum dente lacunar;
 Dardaniasque premet, Memnoniasq; domos.
 Et cadet in tumulū cumulatis pompa triūphis,
 Eversisque ruent martia signa viris.
 Ac velut Arctois Boreas ubi fulminat alis,
 Arboribus stratæ succubuere comæ;
 Nudaque deposito ramorum pignore quercus
 Sternitur arbitrio præcipitata Noti :
 Sic celeri squalent demessâ cadavera falce
 Et jacet immixto virgo, puerque rogo !
 Illa senectutem, quæ figit arundo Juventam;
 Communiq; ruunt funera mixta gradu.
 Ferrea Mygdonias calcat Libilitina coronas,
 Ignavusque rapit Romula sceptra ligo.

D 4

Sic

Sic ruit in præceps laxatis gloria frænis,
 Nullaque labentis vis remoratur iter,
 Ibius, hoc supereft, quô nos mors dura vocabit,
 Ibius, æternos mors trahit atra dies.

§. III.

Cogitatio mortis.

SENTENTIA.

Sic est omnis iste cursus mortalitatis, nascuntur homines, moriuntur, & aliis morientibus alii nascuntur, succedunt, accedunt, deceidunt, nec manebunt; quid hic tenetur? quid non decurrit? quid non quasi de pluvia collectum it in abyssum. in ps. 109.

ERGO nectareæ simulata theatra voluptæ
 Cedite: dic, animo vos procul este meo
 Dū tremulis crispātur aquis, caye marmora pōti;
 Velivolas rapiunt marmora crispa trabes.
 Quo magè tectus erat, nocuit magè prodigus
 (hostis)

Quem cinis occuluit, sæviùs ignis obest.
 Stamina marmoreæ volvunt adamantina Parca
 Et fragilem infestat quælibet hora colum.
 Illa, vel illa ratem tempestas æquore merget
 Ille, vel ille potest ultimus esse dies.
 Qui modò formosis decurris mensibus annos
 Cui florent Tyrijs lilia mixta rosis,